

第二章 湖畔古塚

一、L₃古塚 當余之赴羅布考察也，意在南行訪樓蘭故墟，阻於水，不得達。而余之僕人早捨棄其渡河計劃，轉從事於探古之工作矣。在四月十五日之暮，余僕人小侯拾一美麗之藍黃色殘衿歸。稱距此西北約六七里土阜上有一古塚。試掘之，出女人頭骨，髻髮尙存，額前亂紙覆之，旁陳殘絹帛及毛繩麻布之類，似爲死者頭部之飾物也。余於十七日復偕小侯往視其遺址，抵土阜旁，阜高百餘呎，寬約相當，長三百餘呎。阜中傾陷若溝渠，寬十呎許，深亦十呎許，長百餘呎。死者即藏於此傾陷處，覆以蘆葦，以未經修整之木料支持之。土阜上層爲黃土，厚六、七呎，或十餘呎，下爲乾沙，凝結堅固，死者即埋藏於沙土層內，衣衿骨絡，幾與乾沙膠結爲一。掘現木把杯二，在頭部旁。（圖版一七：圖8、9）又有羊骨二枚，以木板承之，木板形如芭蕉葉，說者謂蒙古風俗如此，然不必僅蒙古人始然也。死者衣服，均爲絲織，約有五襲，衫、禪、紬、纈均備。袖口寬尺許，指骨外露。其顏色有靛黃及紫絳等色，惜迎風而碎，未能取出以饗讀者爲憾耳。又死者右手第四指，戴有戒指一，以薄鉛爲質，上刻環圈五，狀類梅花。（圖版一〇：圖56）衣衿中，藏鐵刀一，柄已碎斷。綜合觀察，極類似一貴婦人之墓，惜無文字以爲左證耳。又左側亦有古塚一，掘現木把杯及几各一件，形式略同於前。在此阜南半里許戈壁上，有木樞一行，環栽土中，復露出地面尺許，說者亦指此爲古時塚墓之故居也。在其西南約七八里許，枯胡桐林中，時露古時陶片，則爲當時居民居住之所，而埋其死者於山邊耳。（參考第一次考察路線圖L₃）

二、L₄古塚 在余等方工作L₃古墳時，余之毛拉等則四出探巡古蹟。據稱：在東約十餘里許，有古房及古塚遺址，乃決計東征。當日晚大風，次日仍未息，塵沙彌漫，白晝昏黑，石子飛揚如雨，不能張目。故決定休息一日。據余之獵戶云，此地多大風，風多作西南向，每五日或十日必有一次。據此，是沙磧之遷移與海水之變遷，與風沙不無因果關係也。四月二十日，雖風力稍殺，而酷冷如嚴冬。吾人均衣老羊皮袍，猶不足以保溫暖，